

paupérrimus, et copiosíssime sanctus, captus a Bárbaris sic Deum precabátur: Dómine, ne excrúcier propter aurum et argéntum: ubi enim sint ómnia mea, tu scis. Póstea vero Wándalis eásdem regiónes infestántibus, cum ab eo pósceret vídua, ut filium sibi redímeret, consúptis rebus ómnibus in officio pietátis, seípsum pro illo in servitútem trádedit.

Lectio iij.

IGITUR in Africam proféctus, dómini sui, qui regis erat gener, hortum coléndum suscepit. Verum cum prophetiæ dono regis mortem ipsi dómino prædixisset, et rex in somnis Paulinum sedéntem médium inter duos júdices, sibi que de mánibus eripiéntem flagéllum vidisset, tantus vir cógnitus honorificentíssime dimíssus est, condonátis ei ómnibus suis civibus, qui captivi fúerant. Nolam revérsus ad episcopále offi-

cium, cum verbo et exémplo omnes ad pietátem christiánam inflammáret, láterum dolore corréptus est: mox cubículum, in quo jacébat, terræmótu contrémuit, ac paulo post ánimam Deo réddidit.

Te Deum laudámus. 63.

Ad Laudes.

Añã. Euge serve bone et fidelis, quia in pauca fuisti fidelis, supra multa te constítuam, dicit Dóminus.

ŷ. Justum dedúxit Dóminus per vias rectas. **℞.** Et osténdit illi regnum Dei.

DIE XXIII. JUNII.

In Vigilia S. Joannis Baptistæ.

Léctio sancti Evangélii secundum Lucam.

Lectio ix. Cap. 1.

FUIT in diébus Heródis, regis Judææ, sacerdos quidam nómine Zacharías, de vice Abía: et uxor illius de filiábus Aaron, et nomen ejus Elísabeth. Et reliqua.

Homilia sancti Ambrósii
Epíscopi.

Lib. 1. in Lucam.

DOCET nos Scriptúra divína non solum mores in iis, qui prædicábiles sunt, sed étiam paréntes oportére laudári : ut velúti transmissa immaculátæ puritátis hæréditas, in iis quos vólumus laudáre, præcéllat. Quæ enim ália inténtio hoc loco sancti Evangelístæ, nisi ut sanctus Joánnes Baptísta nobilitétur paréntibus, miráculis, móribus, múnere, passióne ? Sic étiam sancti Sámuel mater Anna laudátur : sic Isaac a paréntibus nobilitátem pietátis accépit, quam pósteris derelíquit. Sacérdos itaque Zacharías, nec solum sacérdos, sed étiam de vice Abía, id est, nóbilis inter superiôres famílias.

*Pro Commemoratione Vigiliæ
in Laudibus sumitur una ex
sequentibus Antiphonis :*

Feria II. Aña. Benedictus Dóminus Deus Israel.

¶ Repléti sumus mane misericórdia tua. ¶ Exsultávimus et delectáti sumus.

*Hic ¶ dicitur etiam in aliis
Feriis.*

Feria III. Aña. Eréxit nobis Dóminus cornu salutis in domo David púeri sui.

Feria IV. Aña. De manu ómnium qui odérunt nos, libera nos, Dómine.

Feria V. Aña. In sanctitáte serviamus Dómino, et liberábit nos ab inimícis nostris.

Feria VI. Aña. Per víscera misericórdiæ Dei nostri visitávit nos óriens ex alto.

Sabbato, Aña. Illumináre, Dómine, his qui in ténebris sedent, et dírige pedes nostros in viam pacis, Deus Israel.

Oratio.

PRÆSTA, quæsumus omnipotens Deus; ut, família tua per viam

salútis incédât, et beáti Joánnis præcursóris hortaménta sectándo, ad eum, quem prædixit, secúra pervéniat, Dóminum nostrum Jesum Christum Fílium tuum : Qui tecum vivit.

DIE XXIV. JUNII.

In Nativitate S. Joannis Baptistæ.
Duplex 1. classis.

IN I. VESPERIS.

Añã. Ipse præbit ante illum in spírítu et virtúte Eliæ paráre Dómino plebem perféctam. **Ps.** Dixit Dóminus. **cum reliquis ut in j. Vesperis Apost. (1)**

Añã. Joánnes est nomen ejus : vinum et síceram non bibet, et multi in nativítate ejus gaudébunt.

Añã. Ex útero senectútis et stérili Joánnes natus est Præcúrsor Dómini.

Añã. Iste puer magnus coram Dómino : nam et manus ejus cum ipso est.

Añã. Nazaræus vocábitur puer

iste : vinum et síceram non bibet, et omne immúndum non manducábit ex útero matris suæ.

Capitulum. Isaia 49.

AUDITE ínsulæ, et atténdite pópuli de longe : Dóminus ab útero vocávit me, de ventre matris meæ recordátus est nóminis mei.

Hymnus.

UT queant laxis resonáre fibris
Miragéstórum fámuli tuórum,
Solve pollúti lábii reátum,
Sancte Joánnes.

Núntius celso véniens olympto,
Te patri magnum fore nascitúrum,
Nomen, et vitæ sériem gerénda
Ordine promit.

Ille promíssi dúbius supérni,
Pérdidit promptæ módulos lo-
quélæ :

Sed reformásti génius peréptæ
Organa vocis.

Ventris obstrúso récubans cu-
bili,

Sénseras Regem thálamó ma-
néntem :

Hinc parens, nati méritis, utér-
que

Abdita pandit.

Sit decus Patri, genitæque Proli,
Et tibi compar utriúsque virtus,
Spíritus semper, Deus unus, omni
Témporis ævo. Amen.

¶. Fuit homo missus a Deo. ¶.
Cui nomen erat Joánnes.

Ad Magnificat, Añã. Ingréssó
Zacharía templum Dómini, ap-
páruit ei Gábriel Angelus stans
a dextris altáris incénsi.

Oratio ut infra ad Laudes.

AD MATUTINUM.

Invitatorium. Regem Præcur-
sóris Dóminum * Veníte, adoré-
mus. **Ps.** Veníte, exultémus. 31.

Hymnus.

ANTRA déserti téneris sub annis,
Cívium turmas fúgiens, pe-
tísti,
Ne levi posses maculáre vitam
Crímine linguæ.

Præbuit durum tégumen camé-
lus

Artubus sacris, stróphium bi-
déntes,

Cui latex haustum, sociáta pa-
stum

Mella locústis.

Céteri tantum cecinére Vatum
Corde præsógo jubar affutúrum :
Tu quidem mundi scelus aufe-
réntem

Indice prodis.

Non fuit vasti spátium per orbis
Sánctior quisquam génitus Joán-
ne,

Qui nefas sæcli méruit lavántem
Tíngere lymphis.

Sit decus Patri, genitæque Proli,
Et tibi compar utriúsque virtus
Spíritus semper, Deus unus, omni
Témporis ævo. Amen.

In primo Nocturno.

Añã. Priúsquam te formárem
* in útero, novi te : et ántequam
progredéreris, sanctificávi te.
Psalmi de Comm. Conf. non Pont.

(89) *præter ultimum Psalmum ut infra.*

Añã. Ad ómnia quæ mittam te, dicit Dóminus, ibis : ne tíneas, et quæ mandávero tibi loquéris ad eos.

Añã. Ne tíneas a fácie * eórum, quia ego tecum sum, dicit Dóminus.

ŷ. Fuit homo missus a Deo. *℞.* Cui nomen erat Joánnes.

Incipit Jeremías, Prophéta.

Lectio j. Cap. 1.

VERBA Jeremiæ filii Helciæ, de sacerdotibus qui fuérunt in Anathoth, in terra Bénjamin. Quod factum est verbum Dómini ad eum in diébus Josiæ Filii Amon regis Juda in tertiodécimo anno regni ejus. Et factum est in diébus Jóakim filii Josiæ regis Juda usque ad consummationem undécimi anni Sedeciæ, filii Josiæ regis Juda, usque ad transmigratióem Jerúsalem in mense quinto. Et factum est verbum Dó-

mini ad me, dicens : Priúsqvam te formárem in útero novi te : et ántequam exíres de vulva, sanctificávi te, et Prophétam in Géntibus dedi te.

℞. Fuit homo missus a Deo, cui nomen erat Joánnes : * Hic venit in testimónium, ut testimónium perhibéret de lúmíne, et paráret Dómino plebem perféctam. *ŷ.* Erat Joánnes in desérto prædicans baptísmum pœnitentiæ. Hic.

Lectio jj.

ET dixi, A a a, Dómine Deus : ecce néscio loqui, quia puer ego sum. Et dixit Dóminus ad me : Noli dicere : Puer sum : quóniam ad ómnia, quæ mittam te, ibis : et univérssa quæcúmque mandávero tibi, loquéris. Ne tíneas a fácie eórum quia tecum ego sum, ut éruam te, dicit Dóminus. Et misit Dóminus manum suam et tétigit os meum : et dixit Dóminus ad me : Ecce dedi

verba mea in ore tuo : ecce constitui te hodie super gentes, et super regna, ut evellas, et destruas, et disperdas, et dissipas, et ædifices, et plantes.

R. Elisabeth Zachariæ magnum virum genuit, Joannem Baptistam præcursorem Domini : * Qui viam Domino præparavit in eremo. **V.** Fuit homo missus a Deo, cui nomen erat Joannes. Qui.

Lectio iij.

Tu ergo accinge lumbos tuos, et surge, et loquere ad eos omnia quæ ego præcipio tibi. Ne formides a facie eorum : nec enim timere te faciam vultum eorum. Ego quippe dedi te hodie in civitatem munitam, et in columnam ferream et in murum æreum, super omnem terram, regibus Juda, principibus ejus, et sacerdotibus, et populo terræ. Et belabunt adversum te, et non prevalébunt : quia ego tecum sum, ait Dominus, ut liberem te.

R. Priusquam te formarem in útero, novi te : et antequam exires de ventre sanctificavi te : * Et prophetam in gentibus dedi te. **V.** Vir dilectus a Deo, et hominibus honoratus est. Et. **G**loria Patri. Et.

In secundo Nocturno.

Añã. Misit * Dominus manum suam, et tetigit os meum, et Prophetam in Gentibus dedit me Dominus.

Añã. Ecce * dedi verba mea in ore tuo : ecce constitui te super Gentes et regna.

Añã. Dominus ab útero * vocavit me, de ventre matris meæ recordatus est nominis mei.

V. Inter natos mulierum non surrexit major. **R.** Joanne Baptista.

Sermo S. Augustini, Episcopi.

Lectio iv. Serm. 20. de S.

Post illum sacrosanctum Domini natalis diem, nullius hominum nativitatem legimus ce-

lebrári, nisi sólius beáti Joánnis Baptistæ. In áliis sanctis et eléctis Dei nóvimus illum diem coli, quo illos, post consummationem labórum, et devíctum triumphátumque mundum, in perpétuas æternitátes præsens hæc vita partúriit. In áliis consummáta últimi diéi mérita celebrántur : in hoc étiam prima dies, et ipsa étiam hóminis inítia consecrántur, pro hac absque dúbio causa, quia per hunc Dóminus advéntum suum, ne súbito hómines insperátum non agnóscerent, vóluit esse testátum. Joánes autem figúra fuit véteris testaménti, et in se formam prætulit legis : et ídeo Joánes prænuntiávit Salvatórem, sicut lex grátiam præcucúrrit.

R. Descéndit Angelus Dómini ad Zachariám, dicens : Accipe púerum in senectúte tua : * Et habébit nomen Joánes Baptísta. **V.** Iste puer magnus coram

Dómino : nam et manus ejus cum ipso est. Et.

Lectio v.

QUOD autem nondum natus de secréto matérni úteri prophétávit, et expers lucis jam testis est veritátis : hoc est intelligéndum, quod latens sub velámine et carne lítteræ, et redemptórem mundo spírítu prædicávit, et nobis Dóminum nostrum de quodam legis útero proclamávit. Ergo quia Judæi erravérunt a ventre, id est a lege, quæ a Christo grávida erat, erravérunt a ventre, locúti sunt falsa : ídeo hic venit in testimónium, ut testimónium perhiberet de lúmine.

R. Hic est Præcúrsor diléctus, et lucérna lucens ante Dóminum : * Ipse est enim Joánes, qui viam Dómino præparávit in erén:o : sed et Agnum Dei demonstrávit, et illuminávit mentes hóminum. **V.** Ipse præíbit ante illum in spírítu et virtúte Eliæ. Ipse est.

Lectio vj.

QUOD autem Joánnes in cárcere constitútus ad Christum discípulos suos órdat, lex ad Evangélium transmittit. Quæ lex juxta typum Joánnis, quasi ignorántiæ clausa cárcere in obscúro et in occulto jacébat, et Judáica cæcitate sensus intra líteram tenebátur inclúsus. De hoc beátus Evangelísta prolóquitur : Ille erat lucérna ardens, id est, Spíritus sancti igne succénsus, ut mundo ignorántiæ nocte posséssó, lumen salutis osténderet, et quasi inter densíssimas delictórum ténebras, splendidíssimum justítiæ solem lucis suæ rádio demonstráret, et de seípso dicens : Ego vox clamántis in deserto.

R. Innuébant patri ejus, quem vellet vocári cum : et póstulans pugillárem scripsit, dicens : * Joánnes est nomen ejus. **V.** Apértum est os Zachariæ, et prophe-

távit, dicens. Joánnes. **G**lória Patri. Joánnes.

In tertio Nocturno.

Añã. Pósuit os meum Dóminus * quasi gládium acútum : sub umbra manus suæ protéxit me.

Añã. Formans me ex útero * servum sibi Dóminus, dicit : Dedi te in lucem Géntium, ut sis salus mea usque ad extrémum terræ.

Añã. Reges vidébunt, * et consúrgent príncipes, et adorábunt Dóminum Deum tuum qui elégit te. **Psalm. 33.** Benedícam Dóminum. (11)

V. Elisabeth Zachariæ magnum virum genuit. **R.** Joánnem Baptistam, Præcursórem Dómini.

Lectio sancti Evangelii secúndum Lucam.

Lectio vij. Cap. 1. f.

ELISABETH implétum est tempus pariéandi, et péperit filium. Et audierunt vicíni et cognáti ejus, quia magnificávit Dóminus mi-

sericórdiam suam cum illa, et congratulabántur ei. Et reliqua.

Homilia S. Ambrósii, Episcopi.

Lib. 2. Comment. in Lucæ c. 1.

ante finem.

PEPERIT filium Elisabeth, et congratulabántur vicini. Habet sanctorum editio lætitiã plurimorum, quia commúne est bonum. Justitia enim commúnis est virtus, et ideo in ortu justifuturæ vitæ insigne præmittitur, et grátia secuturæ virtútis exultatione vicinorum præfigurante signatur. Pulchre autem tempus, quo fuit in útero Prophéta, describitur, ne Mariæ præsentia taceatur: sed tempus siletur infantiæ, eo quia infantiæ impediménta nescivit. Et ideo in Evangelio nihil super eo légimus, nisi ortum ejus, et oráculum, exultationem in útero, vocem in deserto.

R. Præcúrsor Dómini venit, de

quo ipse testatur: * Nullus major inter natos mulierum Joanne Baptista. **R.** Hic est enim Prophéta, et plus quam Prophéta de quo Salvátor ait. Nullus.

Lectio viij.

NEQUE enim ullam infantiæ sensit ætatem, qui supra naturam, supra ætatem in útero positus matris, a mensúra cœpit ætatis plenitudinis Christi. Mire sanctus Evangelista præmittendum putavit, quod plurimi infantem patris nomine Zachariam appellandum putaverint: ut advertas matri non nomen alicujus displicuisse degeneris, sed id sancto infusum Spiritu, quod ab Angelo ante Zachariæ fuerat prænuntiatum. Et quidem ille mutus intimare vocabulum filii nequivit uxori: sed per prophetiam Elisabeth didicit, quod non didicerat a marito.

R. Gábriel Angelus apparuit Zachariæ, dicens: Nascetur tibi

filius, nomen ejus Joánnes vocábitur : * Et multi in nativitate ejus gaudébunt. *ŷ.* Erit enim magnus coram Dómino, vinum et síceram non bibet. Et. **G**lória Patri. Et.

Lectio ix.

JOANNES est, inquit, nomen ejus : hoc est, non nos ei nomen impónimus, qui jam a Deo nomen accépit. Habet vocábulum suum, quod agnóvimus, non quod elégit. Habent hoc mérita sanctorum, ut a Deo nomen accípiant. Sic Jacob Israel dicitur, quia Deum vidit : Sic Dóminus noster Jesus nominátus est ántequam natus, cui non Angelus, sed Pater nomen impósuit. Vides Angelos, quæ audierint, non quæ usurpáverint, nuntiáre. Nec miréris, si nomen múlier, quod non audívit, assérui, quando Spíritus ei sanctus, qui Angelo mandáverat, revelávit.

Te Deum laudámus. 63.

AD LAUDES, ET PER HORAS.

Añna. Elisabeth Zachariæ * magnum virum génuit, Joánnem Baptistam Præcursórem Dómini.

Ps. Dóminus regnávít. **cum reliquis.** 66.

Añna. Innuébant patri ejus * quem vellet vocári eum : et scripsit, dicens : Joánnes est nomen ejus.

Añna. Joánnes vocábitur * nomen ejus : et in nativitate ejus multi gaudébunt.

Añna. Inter natos mulierum * non surréxit major Joánnem Baptísta.

Añna. Tu puer, * Prophéta Altíssimi vocáberis : præíbis ante Dóminum paráre vias ejus.

Capitulum. Isaie 49.

AUDITE insulæ, et attendite pópuli de longe : Dóminus ab útero vocávit me, de ventre matris meæ recordátus est nóminis mei.

Hymnus.

ONIMIS felix, meritique celsi,
Nésciens labem nívei pudóris,
Præpotens Martyr, nemorúmque
cultor,

Máxime Vatum.

Serta ter denis álios corónant
Aucta creméntis, duplicáta quos-
dam ;

Trina te fructu cumuláta centum
Néxibus ornant.

Nunc potens nostri méritis opí-
mis

Péctoris duros lápides révélle,
Asperum planans iter, et reflé-
xos

Dírige calles.

Ut pius mundi Sator et Redém-
ptor,
Méntibus culpæ sine labe pu-
ris,

Rite dignétur véniens beátos
Pónere gressus.

Láudibus cives célebrent supérni
Te, Deus simplex, paritérque tri-
ne,

Súpplīces et nos véniam precá-
mur :

Parce redémp̄tis. Amen.

ŷ. Iste puer magnus coram Dó-
mino. B̄. Nam et manus ejus
cum ipso est.

Ad Benedictus, Añ̄a. Apértum
est * os Zachariæ, et prophetávit,
dicens : Benedictus Deus Israel.

Oratio.

DEUS, qui præsentem diem ho-
norábilem nobis in beáti Joán-
nis Nativitáte fecisti : da pópulis
tuis spirituálium grátiam gau-
diórum, et ómnium fidélium
mentes dírige in viam salutis
æternæ. Per Dóminum.

Ad Tertiam.

Capitulum. Audíte ínsulæ. ut
supra.

B̄. br. Fuit homo * Missus a Deo.
Fuit. ŷ. Cui nomen erat Joáannes.
Missus. Glória Patri. Fuit.

ŷ. Inter natos mulierum non
surréxit major. B̄. Joáanne Ba-
ptísta.

Ad Sextam.

Capitulum. *Isaie* 49.

ET nunc hæc dicit Dóminus, formans me ex útero servum sibi: Dedi te in lucem Géntium, ut sis salus mea usque ad extrémum terræ.

℞. br. Inter natos mulierum, * Non surréxit major. **Inter. V.** Joánne Baptista. **Non. G** lória Patri. **Inter.**

V. Elísabeth Zachariæ magnum virum genuit. **℞.** Joánnem Baptistam Præcursórem Dómini.

Ad Nonam.

Capitulum. *Isaie* 49. b.

REGES vidébunt, et consúrgent principes, et adorábunt Dóminum Deum tuum, et sanctum Israel, qui elégit te.

℞. br. Elísabeth Zachariæ* Magnum virum genuit. Elísabeth. **V.** Joánnem Baptistam præcursórem Dómini. **Magnum. G** lória Patri. Elísabeth.

V. Iste puer magnus coram Dó-

mino. **℞.** Nam et manus ejus cum ipso est.

IN II. VESPERIS.

Añæ et Capitulum de Laudibus. Psalmi et Hymnus ut in j. Vesperis. 348.

V. Iste puer magnus coram Dómino. **℞.** Nam et manus ejus cum ipso est.

Ad Magnificat, Aña. Puer, qui natus est nobis, * plus quam Prophéta est: hic est enim, de quo Salvátor ait: Inter natos mulierum non surréxit major Joánne Baptista.

Et fit com. sequentis.

DIE XXV. JUNII.

S. Gulielmi, Abbatis.

Duplex.

Omnia de Comm. Conf. non Pont. (115) præter sequentia.

Aña. Similábo. V. Amávit, ut supra.

Oratio,

DEUS, qui infirmitáti nostræ ad teréndam salutis viam in San-